



Knud Kleemann
Atassut

31. oktober 2025

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1) Nunatta sineriaani sumiiffiit internetikkut oqarasuaatikkullu attaveqanngitsut sumiissusersillugit nalunaarsorneqarnikuuppat?**
- 2) Nunarput tamaat pinngortitami, imaani Nunarput tamaat patajaatsumik oqarasuaatitigut internetikkullu attaveqaasersuinissamut Naalakkersuisut qanoq pilersaaruteqarpat?**
 - a) Nunarput tamakkerlugu attaveqaasersuinissaq qanoq akeqassava?**
 - b) Allallu suut pisariaqartinneqassappat?**

(Inatsisartuni Ilaasortaq Knud Kleemann, Atassut)

Tunngavilersuut

Attaveqaatit ullutsinni inuunitsinnut pingaaruteqarluinnartuupput, sillimaniarnikkut; peqqissutsitsigut; annaassiniaasarnikkut; angallannikkut; inuussutissarsiornikkut; inoqatitsinnullu nalginnaasumik attaveqartarnitsigut.

Nunatsinni innuttaasorpasuit ulluinnarni pinngortitamik atuisuupput; piniartut; aalisartut. Piniariarfiit/ aalisariarfiit ilarpasui kangerluit iluaniittarput, attaveqaatit angusinnaanngisaanni. Atungassarititaasut taama itsillugit ineriartorneq sillimaniarnerlu oporfilersorneqartarput.

Taamaattumik nutaaliaasumik Nunarput tamakkerlugu attaveqaatitigut aqqissugaasumik peqarnissaa innuttaasunut toqqissisimanermik toqqammaviliisuussaaq ilanngullugu Nunatta aningaasarsiornikkut ineriartorneratigut aammalu ataqatigiissusitta nukittorsarnissaanut.

Ukiuni makkunani aningaasaliinerit malunnaatilimmik Nunatsinnut pippuq naalagaaffimmiit nunaniillu tamalaaniit, Nunatta iluani angallannikkut aqqissuusseqqinnissamut aammalu sillimaniarnikkut; nakkutilliinikkut; illersornissakkullu. Taakkunungalugu attuumassuteqarluinnarput attaveqaatit, ataatsimut qitiullutik sillimaniarnikkut illersornissakkullu.

Taamaattumik pissusissamisoorsorinarpoq misissussallugu qanoq Naalakkersuisut attaveqaatit pillugit Nunatsinni atuutsitsinissamik pilersaaruteqarnersut matumani siunertaqartoqarnissaa siammasissumik sillimaniarnikkut aammalu illersornissakkut Nunarput tamaat pilersaarutaaqqunaqimmat siunissami aggersumi.